



Båltenning på Stemneplassen i 1982 med to isetande feriegjester foran

**Dei som tykkjer det er ein fin tradisjon å tenna bål på Sankthansefta (laurdag kveld i år) bør ta ein tur på Døsslandsido og stoppa vis a vis Myklebust. Då får dei ei oppleving som det er mange år sidan nokon opplevde her i bygda. På Myklebusts grunn på den andre sida av elva vil bøndene fyra opp eit bål som savnar sidestykkje i Kvinnherad. lovar bondelagsleiar Olav Hjetland Bringedal.**

Bålet på denne staden blir snart tradisjon for det vart tent også i fjor. Og som i fjor blir tenninga, som finn stad rundt klokka 22 krydra med ymse aktivitetar som kan kallast gode bondeleikar.

Ein av dei er hesteskasting, ein annan fotball! Det friske bondelaget forsømmer ikkje noko høve til å driva PR for deira sak og dette er ein ny og sikkert effektiv variant.

Men nokon minnst kanskje trass i alt med eit visst vemod den sentraliserte og storslagne Sankthansfeiringa i bygda i tidlegare tider som hadde brudefylgje og bål ved Stamneplassen som viktige ingrediensar.

Kjem det aldri att ei slik markering?

Tekst og foto: Ola Matti Mathisen





På andre sida av elva tenner bøndene bål i morgon